

**DENNIS GRATZ**  
Zastupnik u Zastupničkom domu  
Parlamenta Federacije BiH

Sarajevo, 8.5.2017. godina

Parlament Federacije Bosne i Hercegovine  
**PARLAMENT FEDERACIJE**  
**SARAJEVO**

Priloga: 10-05-2017

Broj (u)	Broj	Priloga	Vrijednost
	01,02-02	-950	1/2

20x

**PARLAMENT FEDERACIJE BOSNE I HERCEGOVINE**

**PREDSTAVNIČKI DOM**

n/r predsjedavajućeg, gosp. Edina Mušića

**DOM NARODA**

n/r predsjedavajuće, gđe. Lidije Bradare

Na osnovu člana 163. stava 2. i člana 172. stav 1. Poslovnika Predstavničkog doma Parlamenta Federacije BiH, podnosim Prijedlog zakona o izmjenama i dopunama Zakona o pomilovanju Federacije Bosne i Hercegovine, na razmatranje radi usvajanja po skraćenom postupku.

S poštovanjem.



**Dennis Gratz**  
Zastupniku Predstavničkom domu  
Parlamenta Federacije BiH

**DENNIS GRATZ**  
ZASTUPNIK U PREDSTAVNIČKOM DOMU  
PARLAMENTA FEDERACIJE BOSNE I HERCEGOVINE

PRIJEDLOG

**ZAKON**  
**O IZMJENAMA I DOPUNAMA ZAKONA O POMILOVANJU**  
**FEDERACIJE BOSNE I HERCEGOVINE**

**Sarajevo, maj 2017.**

Na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 36/03, 37/03, 21/04, 69/04, 18/05, 42/10, 42/11, 59/14, 76/14 i 46/16), podnosim

**ZAKON  
O IZMJENAMA I DOPUNAMA ZAKONA O POMILOVANJU  
FEDERACIJE BOSNE I HERCEGOVINE**

**Član 1.**

U Zakonu o pomilovanju Federacije Bosne i Hercegovine („Službene novine Federacije BiH“, br. 22/09 i 91/15) u članu 14. stav 4) riječ „može“ zamjenjuje se riječima „dužno je“.

**Član 2.**

U članu 15. dodaje se stav 13) koji glasi:

„13) obrazložen prijedlog ministra pravde Federacije Bosne i Hercegovine.“

**Član 3.**

U članu 17. dodaje se stav 5) koji glasi:

„5) obrazloženje odluke o pomilovanju.“

**Član 4.**

Član 20. mijenja se i glasi:

„Jednom godišnje predsjednik Federacije Bosne i Hercegovine pismeno i usmeno izvještava Parlament Federacije Bosne i Hercegovine o odlukama o pomilovanju donesenim tokom prethodne kalendarske godine.

Obavijest iz stava 1. ovog člana dostavlja se do 31. marta svake godine za prethodnu kalendarsku godinu, a sadrži broj datih pomilovanja, zakonske nazive krivičnih djela za koja su pomilovanja data i članove krivičnog zakona, te oblik datih pomilovanja zajedno sa obrazloženjima odluke, kao i navode da li je mišljenje ustanove za izvršenje krivičnih sankcija i suda koji je vodio prvostepeni krivični postupak, te prijedlog Ministarstva pravde, bilo pozitivno ili negativno za svako pomilovanje.“

Za sve odluke o pomilovanju kod kojih je prijedlog Ministarstva pravde bio negativan, predsjednik Federacije Bosne i Hercegovine je dužan dati obrazloženje.“

## Član 5.

U članu 21. riječ „ravnomojerno“ briše se.

Nadalje se iza stava 2) dodaje stavovi 3) i 4) koji glase:

„Po zaprimljenoj molbi, Komisija za pomilovanja zahtjev obrađuje na način da prikupi sve podatke i mišljenja od nadležnih organa i ustanova, te sastavlja izvještaj sa svojim prijedlogom, a kako je propisano članom 15. ovog Zakona.

Komisija za pomilovanja svoje mišljenje i preporuku o podnesenoj molbi donosi jednoglasno.“

Stavovi 3), 4) i 5) postaju 5), 6) i 7).

# O B R A Z L O Ž E N J E

## ZAKONA O IZMJENAMA I DOPUNAMA ZAKONA O POMILOVANJU FEDERACIJE BOSNE I HERCEGOVINE

### I – USTAVNI OSNOV

Ustavnopravni osnov za donošenje ovog zakona sadržan je u odredbi člana IV.A.20. (1) d) Ustava Federacije Bosne i Hercegovine, kojim je propisano da je Parlament Federacije Bosne i Hercegovine nadležan za podnošenje zakonskih prijedloga.

### II – RAZLOZI ZA DONOŠENJE ZAKONA

#### II.a Uvod

Cilj predloženih izmjena i dopuna Zakona o pomilovanju FBiH je da detaljnije uredi postupak donošenja odluka o pomilovanju, kao i rad Komisije za pomilovanje pri Ministarstvu pravde FBiH. Ujedno se predloženim izmjenama osigurava transparentnost odluka o pomilovanju, putem propisivanja obaveznog izvještavanja predsjednika FBiH Parlamentu FBiH.

Predloženim izmjenama se ne zadire u diskreciono pravo Predsjednika Federacije da daje pomilovanja za djela utvrđena federalnim zakonima (Poglavlje B. član 7. stav a) tačka (VI)).

Detaljno pojašnjenje svake pojedinačne izmjene dajemo u poglavlju koje slijedi.

#### II.b Razlozi za donošenje izmjena pojedinih odredbi

Izmjenom stava 4) člana 14. Zakona se *moгуćnost* Ministarstva pravde da podatke i informacije koje je podnositelj molbe naveo u istoj provjeri kod odgovarajućih organa i ustanova pretvara u obavezu. (riječ „može“ zamjenjuje se rječima „dužno je“).

Dopunom člana 15. isti se usklađuje sa članom 16. Zakona, u kojem se predviđa da prijedlog Ministarstva pravde mora biti obrazložen.

Dopunom člana 17. Zakona propisuje se da odluka o pomilovanju predsjednika Federacije obavezno sadrži i njeno obrazloženje.

Izmjenom člana 20. Zakona propisuje se, pored pismenog, i usmeno izvještavanje Parlamenta Federacije Bosne i Hercegovine o odlukama o pomilovanju Predsjednika Federacije Bosne i Hercegovine, koje ovaj donese tokom prethodne kalendarske godine.

Dodatna transparentnost osigurava se propisivanjem sadržaja pismene obavijesti, tako da ista ubuduće mora sadržati i obrazloženja odluka, kao i navode da

li je mišljenje ustanove za izvršenje krivičnih sankcija i suda koji je vodio prvostepeni postupak, kao i prijedlog Ministarstva pravde, bilo pozitivno ili negativno za svako pomilovanje.

U situacijama u kojima je predsjednik Federacije, i pored negativnog prijedloga Ministarstva pravde, dao pomilovanje, isti je dužan dati obrazloženje.

Konačno, brisanjem riječi „ravnomjerno“ u članu 21. Zakona ispravlja se očigledna nelogičnost, jer je *ravnomjerna* zastupljenost sva tri konstitutivna naroda, kao i Ostalih, kod petočlane Komisije nemoguća.

Ujedno je izmjenama ovoga člana detaljnije uređen način rada i odlučivanja Komisije, tako što se propisuje procedura pribavljanja svih potrebnih informacija i mišljenja od nadležnih organa i ustanova, kao i obaveza da Komisija svoje mišljenje i preporuku o podnesenoj molbi donosi jednoglasno (vidi član 15. Zakona).

Općenito se ovim osigurava temeljitije i transparentnije odlučivanje, bez da se zadire u diskreciono pravo predsjednika Federacije Bosne i Hercegovine da daje pomilovanja.

On, naime, i dalje ne mora ispoštovati prijedlog Komisije; ali je u tom slučaju dužan obrazložiti ga prilikom svoga obaveznog jednogodišnjeg izvještavanja Parlamenta Federacije Bosne i Hercegovine.

### III – FINANSIJSKA SREDSTVA

Za sprovođenje ovog zakona nije potrebno osigurati dodatna finansijska sredstva u Budžetu Federacije BiH.

S poštovanjem,

dr. Dennis Gratz

Zastupnik u Predstavničkom domu Parlamenta Federacije BiH

Naša stranka

#### DOSTAVLJENO:

- Naslovu
- Vladi Federacije BiH
- Parlamentu FBiH - Predstavnički dom i Dom naroda Parlamenta FBiH
- Stručnoj službi Parlamenta FBiH – n/r predsjednika klubova poslanika parlamentarnih stranaka
- Evidencija

